

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

補編第一四冊目次

明紀全載十六卷

〔清〕朱璘撰

清康熙博古堂刻本

..... 一

大事紀六卷

〔明〕沈國元撰

明弘光刻本

..... 二三九

皇明大訓記十六卷

〔明〕朱國禎撰

明崇禎五年潯溪朱氏刻本

..... 三八七

明紀全載十六卷

〔清〕朱璘撰

清康熙博古堂刻本

北京大學圖書館藏

新正 覈

錢塘裘厚齋定本

明紀全載

博古堂藏板

明紀全載序

古人著書立說自成一家言至于國史則公天下之是非必俟久而論定故一代興則纂脩前代之史自司馬氏作通鑑紫陽氏作綱目一部十七史羅列硯席間惟明季二百七十餘

張序

年其間政治得失人品邪正時或見于他說但其擇之不精語之不詳使考古之士不能無一代闕畧之憾余友青巖朱君先世與婺源全派其尊人凝齋公講學東山發明紫陽之旨家學淵源有自來矣青巖守南陽首

葺書院延師教郡人子弟從遊者數百人爲選刻古今人文字遍給諸生復手定綱鑑緝畧一書追踪綱目芟繁就簡學者稱便又慮明季以來事多湮沒爰廣搜文獻記載詳核顏曰明紀全載附諸篇末問序于余余再

張序

二

四披閱其擇之也精其語之也詳舉二百七十年之政治人品瞭然在目直足以繼十七史之遺夫召杜守南陽能興水利農政後惟杜征南修其業然未聞召杜能芟訂古人之史復能自出論定纂修一代之史使郡人

家絃而戶誦也青巖不獨良吏才且
良史才矣是爲序

康熙三十五年歲次丙子春正月

經筵日講官禮部尙書兼管翰林院
詹事府事桐城張英題



明紀全載目次

明紀

太祖高皇帝 姓朱氏名元璋戊申洪武元

建文帝 懿文太子之子名允被已卯建文元年

成祖文皇帝 太祖第四子名棣初封燕王在位二十二年

仁宗昭皇帝 成祖太子名高燾

宣宗章皇帝 仁宗太子名瞻基丙午宣德元年

英宗睿皇帝 宣宗太子名祁鎮丙辰正統元年

景皇帝 英宗第二子名祁鈺庚午景泰元年

憲宗純皇帝 英宗太子名見深乙酉成化元年

孝宗敬皇帝 憲宗太子名祐楳戊申弘治元年

武宗毅皇帝 孝宗太子名厚照丙寅正德元年

世宗肅皇帝 孝宗弟與獻王之子名厚熹武宗無嗣入繼大統壬午嘉靖元年

穆宗莊皇帝 世宗第三子名載堦丁卯隆慶元年

神宗顯皇帝 穆宗太子名明鈞癸酉萬曆元年

光宗貞皇帝 神宗太子名常洛萬曆四十八年八月即位

熹宗哲皇帝 光宗長子名由校辛酉天啟元年

懷宗瑞皇帝 熹宗第二子名由棖戊辰崇禎元年

明紀全載

目次

目次終

明紀全載目次

明紀

卷之一 明紀太祖

卷之二 明紀太祖

卷之三 明紀建文帝

卷之四 明紀成祖仁宗宣宗

卷之五 明紀英宗景帝

卷之六 明紀憲宗孝宗

卷之七 明紀武宗世宗

卷之八 明紀世宗穆宗

卷之九 明紀神宗

卷之十 明紀神宗

卷之十一 明紀神宗

卷之十二 明紀神宗光宗

卷之十三 明紀熹宗

卷之十四 明紀熹宗莊烈帝

卷之十五 明紀懷宗

卷之十六 明紀懷宗

明紀全載

目次

明紀全載目次終

明紀全載卷之一

太祖高皇帝

諱元章字國瑞姓朱氏濛州人
在位三十一年壽七十

戊申洪武元年春正月朔四日太祖祭告天地即皇帝位。初李善長徐達等以上功德日隆屢表勸進不允乃率諸臣奉上帝吳王位建百司官屬以李善長為右相國徐達為左相國常遇春俞通海為平章政事汪廣洋為右司郎中張昶為左司都事諭善長等曰卿等為生民計推戴予然建國之初當先正綱紀今將相大臣宜協心為治以成功業毋苟且因循取充位而已也於是立宗廟社稷建宮闕有司以宮室圖進上見其有雕琢奇麗者皆命去之既而新殿成制皆樸素命博士熊鼎類編古人行事

明紀全載

明太祖卷之一

一

可為鑒戒者書於殿壁又命侍臣書大學衍義於兩廡壁間曰前代宮室多施繪畫今書此以備朝夕省覽豈不愈於丹青乎太廟成尋勅協律郎冷謙考正宗廟雅樂音律及鐘磬等器并定樂舞之制至是相國李善長率文武羣臣奉表勸進上曰吾始即王位不能拒勉從衆言今卿等復勸即帝位恐德薄不足以當尊善長等頓首復請曰天生聖哲本以為民殿下之仰王位天命已有歸矣今又三四年若不正大位何以慰天下臣民之望上固卻之明日善長等復請曰殿下謙讓之德著於四方感於神明願為生民計早狗羣臣之請上曰中原未平軍旅未息吾意天下大定然後議此而卿等屢請不已如此大事當斟酌禮儀而行不可草草越數日善長率禮官以印符禮儀進上允之

舜按世稱三代以下惟漢得天下為正蓋陰秦計項名義嚴當
明太祖起兵濠梁廓清宇直駕唐敷宋而匹漢矣其開國規
模亦絕類漢高而制度更為詳備卒
享國二百七十餘年者良有以也

立妃馬氏為皇后立世子標為皇太子初上率師渡江后嘗謂上曰方今豪傑並爭雖未知天命所歸以妾觀之惟以不殺人為本人心所歸即天命所在也及是冊立為后上謂侍臣曰昔光武勞馮異曰倉卒蕪羹亭豆粥滹沱河麥飯厚意久不報朕念皇后起布衣時同甘苦嘗從朕在軍自忍饑餓懷糗餌食朕比之豆粥麥飯其困尤甚昔唐太宗長孫皇后當隱太子構隙之際內能盡孝謹承諸妃消釋嫌疑朕素為郭氏所忌或以服用為獻后先獻郭氏慰悅其意卒免於患殆尤難於長孫皇后也朕因服御諄怒小過輒謂朕曰主忘昔日之貧賤邪朕為惕然家之良妻猶國之良

明紀全載

明太祖卷之一

二

相豈忍忘之罷朝因以語后后曰妾聞夫婦相保易君臣相保難且妾安敢比長孫皇后但願陛下以堯舜為法耳
陳建曰高皇后之德無異於任姁其以志貧賤相
勸以君臣夫婦相保難易致後尤深得諷諫之體
以李善長為中書左丞相章溢為御史中丞
命李善長等兼東宮官太祖諭善長等曰朕於東宮不別設府僚而以卿等兼之蓋軍旅未息朕若有事於外必留太子監國若設府僚卿等在內事當啓聞太子或有懇斷不明而與卿等意見不合卿等必謂府僚導之嫌疑由是而生朕所以特置賓客諭德等官且妙選名儒為之賓友昔周公教成王告以克詰戎兵召公教康王告以張皇六師此皆居安慮危不忘武備蓋繼世之君生長富貴狃於安逸軍旅之事多忽而不務一有緩急罔知所措二公

之言不可忘也。

天下府州縣官來朝。陛辭。上諭之曰。天下初定。百姓財力俱困。要在安養生息之。惟廉者能約己而利人。貪者必賤人而厚己。况人有才敏者。或尼於私。善柔者。或昧於欲。此皆不廉致之也。爾等當深戒之。

胡廷瑞等。兵至建寧。元守將同參達里麻。總管也。先不花降。執參政陳子奇。送京師。○湯和廖永忠等進兵延平。先遣人招諭元平章陳友定。不從。遂攻之。參政文殊。海牙等開門出降。械友定。送京師。○胡廷瑞等進兵克興化。遣使招諭汀州寧化連城等縣。元汀州路守將陳國珍納款。於是泉州漳州潮州郡縣相繼降附。福建悉平。○楊璟等進兵攻未州。元守將右丞鄧祖勝。全州平章阿思

明太祖卷之一

三

蘭遣兵來援。擊敗之。元兵復自廣西來援。璟遣指揮袁子明擊之。獲其萬戶丁武等千餘人。璟分遣千戶王廷將兵復寶慶。○命平章廖永忠為征南將軍。參政朱亮祖為副。由海道取廣東。諭之曰。兩廣之地。遠在南方。彼此割據。民困久矣。定亂安民。正在今日。彼聞八閩不守。湖湘已平。中心震懼。無固守之志。若先遣人宣布威德。必有歸款迎降者。可不勞師旅。慎勿殺掠。阻向化之心。且廣東要地。惟在廣州。廣州既下。則循海州郡。可傳檄而定。海北以次招徠。留兵鎮守。仍與平章楊璟合兵。取廣西。用師方畧。率用是道。又勅贛州衛指揮陸仲亨。率本衛及南雄韶州等鎮軍馬。會廖永忠等合兵。由韶州直搗德慶。為犄角之勢。○勅都督康茂才會同大將軍徐達等取中原。

詔以太牢祀先師孔子於國學。仍遣使詣曲阜致祭。徐達等兵取南昌路。進克棣州。攻安樂。元守將俞勝遁去。其郎中張仲毅出降。

定賦役法。法以田一頃。出夫一人。不及頃者。以別田足之。遇有興作。於農隙徵發。上慮役及貧民。故定此例。

改太史院為司天監。○詔湯和還明縣。造海船。漕運北征軍餉。三月。徐達等引兵上黃河。克永城。歸德許州。取汴梁。○陳州守將左君弼降。先是君弼自廬州走安豐。安豐破。復走汴梁。元將李克彝使守陳州。上遣使陳河以書諭君弼曰。予之國。乃足下父母之國。合肥之城。乃足下丘壠桑梓之鄉。天下兵興。豪傑並起。豈惟乘時以就功名。亦欲保全父母妻子於亂世。足下以垂白之母。糟糠之妻。獨居寡處。各天一方。朝思暮想。以日為歲。足下縱不以妻子

明太祖卷之一

明太祖卷之一

四

為念。何忍忘情於老親哉。功名富貴。可以再圖。生身之親。不可再得。足下能留意於是。幡然而來。予當棄前非。仍復待以故舊。則足下以天理人心。舉無不順矣。君弼得書。猶豫不能決。上乃歸其母於陳州。君弼感泣。至是王師西指汴洛。君弼降。命為廣西衛指揮僉事。

楊璟等圍永州。分遣周德興張彬取全州。元平章阿思蘭夜遁。全州民以城降。於是道州寧州桂陽藍山常寧武岡州守將皆來降。○廖永忠等率舟師。自福州航海趨廣東。先遣人至廣州。以書招諭元分省左丞何真。師至潮州。真遣都事劉克佐上其印章。併籍所部郡縣戶口兵馬錢糧。奉表歸附。

○夏四月。廖永忠等至東莞。何真率官屬出見。進次虎頭關。元將

盧左丞張元帥各率所部來降遂入廣州時參政邵宗愚據三山寨遣人約降而遷延不至乃下令往攻之獲宗愚及其黨皆斬於市馳檄往諭海南海北郡縣悉皆歸附永忠遣人送何真降表至京師上賜詔褒真謂其保境安民不勞師旅先期來歸雖漢唐名臣寶融李勣奚讓特名真乘傳入朝賜宴仍賜白金千兩文綺紗羅綾絹各百匹將校各賜有差上語之曰天下紛紛所謂豪傑有三易亂為治上也保民達變識所歸者次也負固偷安流毒生民身死不悔斯不足論矣頃者師臨閩越卿即輸城來歸使兵不血刃民庶安堵可謂識時達變者矣授真中奉大夫江西等處行中書省參知政事

明紀全載

明太祖卷之一

五

廣東悉平○楊璟克永州進攻靖江今桂林府○徐達等攻河南進兵洛水遂營於河南城北行省平章阿魯溫降乘勝克陝州直抵潼關李思齊部將張德欽薛穆飛拒戰馮勝擊敗之遂入潼關李思齊棄輜重奔入鳳翔時陝西州郡皆李思齊張思道所乘思道即張良甥也詔免山東今年夏稅秋糧○命工畫古孝行及身所經歷艱難起家戰伐之事為圖以示子孫○命學士朱升等脩女誠謂之曰治天下者脩身為本正家為先后妃雖母儀天下不可使與政事政由內出未有不為禍本者
斬州進章上因謂中書省臣曰古者方物之貢惟服食器用故無耳目之娛玩好之失今斬州進竹簟雖為用物但未有命而來獻若受之恐天下聞風爭進奇巧則勞民傷財自此始矣命却之仍

今四方非朝廷所需不得妄有所獻
五月禁宦官不得典兵預政

璘按明太祖首禁宦官不得典兵預政時有內使言及政事者輒責逐之仍制內侍不許讀書識字立法非不盡善也乃不數傳而王振汪直劉瑾劉忠賢輩預政矣與兵矣且委國以任之矣其後鬪門弄盜旋喪國於鬪寺之手祖宗之良法美意其可忽乎哉

○廖永忠朱亮祖進兵取廣西攻梧州潯貴等州郡以次降附亮祖分兵克平樂府

漳州府通判王禕上疏曰臣聞自古帝王定天下成大業者必祈天永命而所以祈之者在乎修德君德既修天眷自有不能已者書曰皇天無親惟德是輔此之謂也人君修德之要有二忠厚以存心寬大以為政二者德之大端也是故周家以忠厚開國故能

明紀全載

明太祖卷之一

六

垂八百年之基漢室以寬大為政故能立四百年之業簡冊所載不可誣也夫人君莫先於法天道最急於順人心上天以生物為心故春夏以長養之秋冬以收藏之皆所以生物也其間雷霆霜雪有時而搏擊焉有時而肅殺焉然皆暫而不常向使雷霆霜雪無時而不有焉則上天生物之心息矣臣願陛下之法天道也夫民待君以為生故人君視民之休戚必若己之休戚誠以君民同一體耳取之有節則民生遂今浙西既平租稅既廣科歛之當減猶有可議者太祖平吳照張文淵租薄科橫每畝有徵至七斗五升者民不與命故此疏特言之臣願陛下之順人心也法天道順人心則有於心者自然忠厚施於政者自然廣大祈天永命之道未有越此者也陛下建國之初方將立法垂憲以定一代之典制度禮文之事可議者固多未敢悉數特舉

冬十月詔改元燕京爲北平府置燕山等六衛以都督孫興祖華雲龍守之。御史大夫湯和平章楊璟班師還京復命和璟俱爲偏將軍從大將軍征山西調右副將軍馮勝率師由河南進征渡河克武陟懷慶元平章白鎖住棄城遁進取澤州元平章賀宗哲棄城遁進克潞州。召劉基至京贈基祖父爵永嘉郡公欲授基爵辭曰陛下乃天授臣敢貪天之功聖恩深厚顯榮先人足矣。

以耆儒梁真王儀爲太子賓客秦鏞盧德明張昌爲太子諭德。鄧愈討蜀之莽張獲之悉平金商均房數州之地。

詔衣冠悉復唐制士民皆束髮於頂官則烏紗帽員領束帶黑靴士庶則服四帶巾襍色盤領衣不得用黃衣。

建大本堂遣儒臣教授太子諸王以起居注魏觀侍太子讀書諸

明太祖卷之一 九

臣分番夜直上時臨幸商榷古今評論文宇上嘗御文樓太子侍問近與儒臣講何史對曰漢七國事上問曲直安在對曰曲在七國上曰此講官一偏之說景帝爲太子時以博局殺吳世子及爲帝又輕聽是錯黜削諸侯七國之變實由於此若爲諸子講此則當言藩王當上尊天子毋撓天下公法如此則爲太子者知隆親親之思爲諸子者知夾輔王室盡君臣之義矣。

按太祖論七國事最爲透徹其後建文謂故必欲盡削宗藩然竟以此失天下則齊簡之而疎矣

十二月徐達與諸將議曰聞擴廓帖木兒出太原由保安經居庸進攻北平孫都督總六衛之師足以鎮禦我與爾等乘其不備直抵太原傾其巢穴則彼進不得戰退無所依此兵法所謂扼吭搥虛者也若彼還兵救太原則已爲我牽制進退失利必成擒矣諸

將皆曰善遂引兵徑進擴廓帖木兒聞之果還兵其鋒甚銳萬騎突至傳友德薛顯率敢死士數千騎衝卻之敵軍於城西指揮郭英憑高望之諱常遇春曰彼兵多而不整營大而無備請夜劫之遇春然其計與大將軍達謀曰我騎兵雖集而步兵未至何以能戰莫若遣精騎夜劫其營其衆可亂衆亂主將可縛也達從之會擴廓部將豁鼻馬潛使人約降且請爲內應達大喜遂乘夜襲之先遣五十騎伏城東十里以舉火鳴砲爲期至夜郭英率十餘騎潛入其營舉火鳴砲伏兵應之遇春等引兵繼之至敵大潰擴廓方坐帳中聞變倉卒亟納靴未竟蹠一足踰帳後出乘駱馬從十八騎遁去追不及遂克太原豁鼻馬率衆降得兵四萬餘人馬四萬餘匹達復遣傳友德薛顯將步騎邀擊賀宗哲軍於石州墩

明太祖卷之一 十

之崢嶸霍絳猗氏平陽等處

前奉使汪河自跋般河自癸卯歲奉使被擄國是凡六年抗厲不屈完節東歸上嘉之擢爲吏部侍郎河備陳陝船事且上方畧擴廓帖木兒竟由是敗。安南國王陳日燿遣使奉表朝貢。頒社稷壇制於天下郡邑左社右稷各方二丈五尺高三尺四寸陸三級祭用春秋二仲月上戊日。詔立旗纛廟於京師都督府治之。令天下衛所於公署後以霜降日致祭。

己酉二年春正月高麗王王頴遣使奉表朝貢。勅建元右丞余闕江州總管李輔嗣肖像祀之。諸軍攻大同路克之擒其守將竹真。免山東山西北平河南秦隴及應天太平鎮江寧國廣德滁和等處本年夏稅秋糧。以功臣胡大海耿再成趙德勝廖永

安俞通海張德勝桑世傑祀享太廟。勅建功臣廟於鷄鳴山。○命中書省定太歲風雲雷雨嶽鎮海濱山川城隍諸神祭禮。○置河間長蘆河東陝西都轉鹽運使司。○命祀馬祖諸神築壇於後湖。按周官春祭馬祖夏祭先牧秋祭馬祖冬祭馬步馬祖大駟星也先牧始養馬者馬社始乘馬者馬步神之災害於馬者。二月上耕籍田既又命皇后率諸命婦蠶於北郊以供祭服。○更定太廟時享春以清明夏以端午秋以中元冬以長至。

以待讀學士秦裕伯為翰林待制。裕伯大名人

上謂詹同日古人為文或以明道德或以通世務如典謨之言皆明白易知至如諸葛亮出師表亦何嘗雕刻為文而誠意溢出使人感激近世文士不究道德不達世務立辭艱深意實淺近即使過於相如楊雄何裨實用自今翰林為文但取通道理明世務者

明紀全載

明太祖卷之一

七

毋事浮藻。○詔脩元史。

大將軍達等兵克河中府遂會諸將進取陝西大軍至西安營於長安城北元平章王武率官屬士民迎降遂遣馮勝取鳳翔李思齊奔臨洮大將軍達至鳳翔議師所向諸將咸以張思道之才不如李思齊慶陽易於臨洮先取慶陽後取隴西攻臨洮達曰不然慶陽城險而兵悍未易猝拔臨洮之地西通番界北界河湟得之其人民足以備戰鬪其地產足以供軍儲今以大軍感之思齊不西走必束手就降矣臨洮既克旁郡自下諸將然之遂進兵克隴州秦州鞏昌乃遣馮勝率諸衛兵進征臨洮李思齊窮迫遂舉城降時張思道弟張良臣守慶陽擁師堅

不為動

顧時戴德征蘭州克之大將軍送李思齊赴京入見上嘉慰之命

為江西行省左丞不之官食祿於京師

時倭寇劫掠蘇州崇明沿海為患太倉衛守禦指揮俞事翁德率官軍捕之遇於海門之上幫擊殺不可勝計生獲數百人得其兵器海舟奏至詔以德有功陞本衛指揮副使賞其官校綺帛白金有差戰溺死者加賜錢布米仍命德往捕未盡倭寇遣使祭告東海之神德遂承命往倭不復出沿海遂寧

五月大將軍常遇春卒年四十計開上震悼罷朝追封開平王諡忠武樞至龍江上親製文躬往祭之慟哭而還命配享太廟肖像祀於功臣廟位皆第二長子茂鄭國公次子昇封開國公後勅

遇春於鍾山之陰。遇春家之定遠人

大軍圍慶陽日久張良臣外無救援內乏糧餉至煮人汁九泥嚙

明紀全載

明太祖卷之一

七

之其黨姚暉等開門出降達入城良臣投井中引出斬之慶陽平遂下平涼王保保賀宗哲皆北遁陝西悉平達等班師還京

征西將軍廖永忠副將軍朱亮祖等自廣東班師還京上命皇太子率百官迎勞於龍江入見上撫慰款甚復命太子送永忠歸第

○時中原南北皆定惟僞夏主明昇據蜀上遣楊瑄往招諭之昇

年尚幼國事皆決於母彭氏及其僞丞相戴壽瑄至諭以禍福昇

欲奉國入覲牽於羣議未決瑄將還以書曉之昇不能從

元史成上親疏張中十事命宋濂作傳張中字景華江西臨川人

少習儒以春秋應舉不第遂放情山水遇其人授以太極數學時

天下大亂與人言避兵之方從則吉違則凶歲壬寅上率師下豫

章鄧愈薦中名至問曰予定豫章兵不血刃市不易肆生民自此

蘇息否對曰未也旦夕此地當流血盧舍焚殿殆盡鐵柱宮亦為
灰燼惟一殿存耳及指揮虜寨反一如中言陳友諒圍豫章三月
不解上舉兵伐之名問中對曰五十日當大勝亥子之日獲其
首領其戰必在南康上因命中從行舟次孤山無風不能進中曰
當祭之祭已風大作遂達彭蠡湖常遇春與敵戰康郎山被圍其
勢甚危皆謂不可救中曰亥時當自出如期果出連戰輒大勝陳
友諒中飛矢死降其眾五萬人初豫章受圍上問何日圍解中曰
當在七月丙戌暨報至乃乙酉蓋日官算曆是月差一日實在丙
戌解去其他奇中往往類此嘗戴鐵冠人稱鐵冠道人

占城國王阿答阿者遣其臣虎都蠻來朝貢
功臣廟成以徐達為首次常遇春李文忠鄧愈湯和沐英胡大海馮國用趙德勝耿再成華高丁德興俞通海張瑄吳

明紀全載 明太祖卷之一 十三

冬十月高麗使者進貢上賜書諭其王并以六經四書賜之
命天下郡縣皆立學府學生員四十人州學生員三十人縣學生員二十人設教授學正教諭訓導等官

十一月以廣東行省參政周貞為刑部尚書
前元王保保知大將軍南還自甘肅以兵來襲蘭州守將張溫整
兵出戰元兵少却溫收兵入城堅守鞏昌守將于光來援至馬關

灘猝遇保保兵戰敗被執擁至蘭州城下使呼張溫出降光大呼
曰我不幸被執公等宜堅守大將軍行至矣賊怒殺之城中間光
言守益固賊二鼓登城溫擊却之乃引兵去事聞陞溫都督僉事

遣官論祭光命配享功臣廟
十二月賞平定中原征南將士徐達廖永忠胡廷瑞楊璟康茂才

傅友德薛顯馮勝顧時朱亮祖郭興白金文幣有差上念副將軍
常遇春功勞與大將軍一體優賞
御史中丞章溢卒溢居官務存大體不屑細故或以為言溢曰憲
臺百司儀表居其職者當先養人廉恥使避而不犯豈直恃搏擊
為哉溢字三益龍泉人

上欲以楊憲為丞相劉基與憲素厚以為不可上怪之基曰憲有
相才無相器夫宰相者持心如水以義理為權衡而已無與焉者
也今憲不然能無敗乎上曰汪廣洋何如基曰福淺觀其人可知
上曰胡惟庸何如基曰此小積將債較而破犁矣上曰吾之相無
踰於先生基曰臣非不自知但臣疾惡太深又不耐煩劇為之且
孤大恩天下何患無才願明主悉心求之如目前諸人臣誠未見
其可也

明紀全載 明太祖卷之一 十四

李文忠以所俘脫列伯等獻京師上曰彼亦為其主耳事敗至此
情有可矜其釋之仍賜冠服

庚戌三年春正月禮部奏定朝日壇築於城東門外高八尺夕月
壇築於城西門外高六尺朝日以春分日夕月以秋分日星辰則
附祭於月壇從之○二月追封故元帥郭子興為滁陽王立廟滁
州命有司致祭

三月免應天徽州十三府州河南山東北平本年夏稅秋糧○夏
四月封建諸王詔曰朕聞古昔帝王之子居嫡長者必正儲位其
眾子當封以王爵分茅胙土以撫其國朕今有子十人即位之初
已立長子標為皇太子諸子之封本待報賞功臣之後然尊卑之

分所宜早定乃以四月初七日封第二子櫛為秦王第三子櫛為
晉王第四子櫛為燕王第五子櫛為周王第六子櫛為楚王第七
子櫛為齊王第八子櫛為潭王第九子櫛為趙王第十子櫛為魯
王姪孫守謙為靖江王皆授以開寶設置相傳官屬○以危素為
弘文館學士尋謫居和州素德州金華人

詔開科取士初場各經義一道四書義一道二場論一道詔誥表
箋內科一道三場策一道中式者後十日以騎射書算律五事試
之○改濠州為中立府定為中都築新城城內營皇城宮殿立郊
廟社稷置文武公署一如京師以羣臣言臨濠帝鄉可建都也○
詔行大射禮令太學生及天下郡縣生員皆習射○定服色之制
色尚赤○徐達大破王保保兵於定西古城王保保與其妻子數
明紀全載

明太祖卷之一

五

人從古城北遁去是役也都督孫興祖戰死於五郎口右丞胡德
濟戰於莊浪敗績大將軍達械德濟送京師上遣使諭達曰胡右
丞失律正當就軍中戮之若送至朝廷朝廷必議其功過彼嘗有
救信州之功守諸暨之勞故不忍加誅宜除其罪由赦之孫興祖
事聞上痛悼追封燕山侯塑像於功臣廟○李文忠等克應昌獲
元主嫡孫買的里八剌及后妃諸王并宋代玉璽金寶一十五玉
冊二大圭玉鎮圭玉竿玉斧各一元太子愛猷識里達剌僅脫身
遁追至北慶州不及而還

五月大將軍達遣御愈招諭吐蕃自將取慶元○達等自定西旋
師乘勝取鳳州克峇陽擒元平章蔡琳遂入沔州由鳳翔入連雲
棧取漢中守劉思忠等以城降達還軍西安

遣送元主孫買的里八剌至京師省臣楊憲等請獻俘於廟上曰
古者雖有獻俘之禮武王伐殷會用之乎憲曰武王事不可知唐
太宗嘗行之上曰太宗是待王世克若遇附之子孫恐不行此禮
元人入主中國朕之祖父亦與享其太平獻俘之事不忍加之乃
賜買的里八剌第宅於龍山封為崇禮侯

以劉基為弘文館學士翰林應奉陶凱為禮部尚書○中書省左
丞相楊憲以罪誅憲入中書欲盡變省中事凡舊吏一切罷出更
用所親乃創為一統山河花押示僚吏以觀從違翰林編脩陳極
賀曰押字大貴只有天在上更無山與齊者也憲大喜即奏極為
翰林待制陰令御史劉炳誣奏侍郎左安上覺之下炳獄炳吐實
憲與炳皆伏誅○宋濂王禕等進續脩元史

明紀全載

明太祖卷之一

六

秋八月都督康茂才從征漢中卒於道計聞上震悼追封斷國公
親臨奠祭茂才新州人
冬十一月左副將軍李文忠等大將軍徐達等班師至京丞相李
善長率百官上表賀上御奉天殿大封功臣

上坐東閣名諸武臣問之曰爾等退朝之暇所務者何事所接者
何人亦嘗親近儒生乎往在戰陣之間提兵禦敵以勇敢為先以
必勝為功今閒居無事當與儒生講求古之名將成功立業之故
事君有道持身有禮謙恭不伐能保全其功名者何人驕淫奢侈
暴橫不法不能保全終始者何人常以此為鑒戒則可與古之名
將並矣○戶部言陝西察罕腦兒之地有大小鹽池請設鹽課提
舉司東至慶陽南至鳳翔漢中西至平涼北至靈州募商人入粟